

Bemba - Koselesha Malembo Yamushilo - Comfort Scriptures

2 Kolinti 1:2-4 Icikuuku no mutende wakwa Lesa Shifwe ne Mfumu yesu Yesu Kristu fileba na imwe. 3 Napaalwe na matotelo Lesa kibili Wishi wa Mfumu yesu Yesu Kristu. Ni Shifwe waluse, Lesa uutukoselesha muli fyonse. 4 Eutukoselesha mu bwafya bonse, epakuti na ifwe tumone ukukoselesha bonse abali mu bwafya ubwalekana lekana. Tulebakoseleshako ne cikoseleshi cine ico Lesa atukoseleseshako.

Amapinda 15:13 Umuntu uuli ne nsansa mu mutima alamoneka pa menso, lelo uuli no bulanda umusana ulaputuka.

1 Ishamfumu 8:66 Pa bushiku bwakonkelepo asalanganya abantu bonse. Abantu nabo batasha imfumu, babwelela ku mayanda yabo abasansamuka no kusekela mu mitima pa fisuma fyonse Yawe acitile umubomfi wakwe Davidi na bantu bakwe Abena Israeli.

1 Imilandu 16:10 Mulesekelela mwishina lyakwe ilyamushilo. Muleleka imitima ya bafwaya Yawe ilesansamuka.

Amapinda 12:25 Isakamika lipwisha umuntu insansa, lelo amashiwi yamutembo yalamusansamusha.

Amapinda 13:12 Ico umuntu alelolela nga tacicitike, umutima ulatompoka, lelo ukupeelwa icilekabilwa muti wabumi.

Esaya 30:26 Umweshi ukabalika nga kasuba, akasuba nako kakabalikisha ukucilamo. Ulubuuto Iwa kako lukaba kwati Iwa nshiku cine lubali elwabalikila capamo pa kasuba kamo kene. Ifi fyonse fikacitika ilyo Yawe akakakila no kuundapa ifilonda ifyo aletela abantu bakwe.”

Hosea 13:8 Nkamufukukila nge ciswango ca bea ico bapokolwele utwana. Nkamusansa no kumulepaula, epo nkamucibawila nge nkalamo, nkamusantaula nga filya fine flicita iciswango.

1 Samwele 1:8,10 Elikana umulume wakwe atile kuli ena, “Hana bushe cinshi ico ulelila? Kabili bushe cinshi ico ukanine ukulalya? Bushe cinshi ico wikalile ubulanda? Bushe ine nshakuwamina ukucila abana baume ikumi limo?” 10Hana mu kushikitika kwa mutima wakwe, alilile nganshi no kupepa kuli Yawe.

Amalumbo 25:16,17 Pilibukila kuli ine no kunangulukilako, pantu naikala inkumbabulili kibili ndi mulanda. 17 Amacushi ya ku mutima wandi nayafulisha, mpokololako ukufuma ku fyakushikitika fyandi.

Amalumbo 34:18 Yawe alapalamina abafunshika imitima, kibili alapususha abafunshika imipashi.

Amalumbo 38:8 Umubili wandi naufunshika, ndefilwa ne fyakucita, umutima ulifye uwasakamana icakuti ndetusailafye.

Amalumbo 55:4 Umutima wandi uleshikitika, no kufwa kulentiinya nganshi.

Amalumbo 61:2,3 Ndelilila kuli iwe ukufuma ku mpela ya pano isonde, ine umutima wandi naunaka, untwale pa cilibe icalepa ukuncila. 3 Pantu niwe ine nshintililako, niwe ulupungu Iwandi ulwamaka uluncingilila ku balwani.

Amalumbo 62:8 Mwe bantu, ala lyonsefye mulecetekela Lesa, mulemwishibisha ifili mu mitima yenu, pantu eo tubutukilako. (Selah)

Amalumbo 73:26 Umubili wandi no mutima wandi kuti fyatompoka, lelo we Lesa wandi niwe maka ya mutima wandi, kibili icakaniko candi ica pe na pe.

Amalumbo 77:2,3 Ilyo nali mu bwafya nafwaile Imfumu, ubushiku bonsefye ine naimishe amaboko yandi ukwabula ukunaka, lelo umutima wandi wena wafililwe ukatalala. 3 Umutima wandi watusaile ilyo nakwibukishe we Lesa, naliisosha mu mutima, no kwamba ukutompoka.

Amalumbo 86:11 We Yawe umfunde inshila yobe elyo nkalaende mu cine cobe, uloshe umutima wandi kuli iwe, pakuti mbe na katiina kwishina lyobe.

Amalumbo 109:22 Pantu ine ndi mupina kibili nshikwete nangu kamo, no mutima wandi naupakaswa mukati kandi.

Amalumbo 112:7,8 Ena tatiina kubililwa imbila ibi, pantu alishipa mu mutima, atetekelafye muli Yawe. 8 Umutima wakwe walicingililwa, tatiina kantu nakalya, mukulekelesha akamonako uko abalwani bakwe bakacimba.

Amalumbo 143:4 Kanshi umupashi wandi naubulwa amaka, no mutima wandi nautondobala.

Amalumbo 147:3 Alaposha abafunshika imitima, alabakakila ne filonda fyabo.

Amapinda 14:30 Umutima wa muntu nga uli umutende, upeela ubumi ku mibili, lelo umufimbila e bulwele ubulya amafupa.

Kafundisha 1:13 Nalibikile umutima wandi kukuceceta na mano ifintu fyonse ifyaba pano isonde pakuti mfishibishe. Iye icisendo ukufina ico Lesa atwika pali ifwe fwe bantunse!

Kafundisha 2:10 Fyonsefye ifyo ine nalefwaya nalekwata, kabinge ine nshatalile ndekapo cimo icakunsansamusha ciyipitilefy, awe. Umulimo onsefye uo nalebomba, umutima wandi walesekelela, e cilambu nalemwenapo.

Kafundisha 2:22,23 Pano isonde kuti we muntu wabomba mwe, wacululuka mwe, nomba cinshi kanshi icabamo mu kucucutika uku konse? 23 Fyonsefye ifyo we muntu wingalacita ukushinta napo wingekalila pano isonde, awe fyakukuletelafye amasakamiko, fyakukukalifyafye umutima no kulakufufya utulo. Ee, ici cintu naco kuicushafye.

Kafundisha 11:10 Eico wilalekafye nelyo cimo cilekusakamika, kibili utsalushe na macushi ku mibili obe. Pantu ubulumendo na maka ya bwaice fyonse kuicushafye.

Esaya 30:29 "Lelo imwe mwe bantu bakwa Lesa, awe imwe mukalasansamuka, mukalaimba ne nyimbo nga shilya shine mwimba pa nshita ya bushiku, ilyo kuba inshikunkulu iyakucindikamo Lesa. Mwakulasansamuka nga balya bantu benda umulongo, ninshi na bamutolilo balelila pantansi pakuya ku lupili Iwakwa Yawe, icilibwe cakwa Israeli.

Esaya 57:15 Pantu efyo asosa uwasansama kibili uwapulama uwabapo pe na pe kibili Uwamushilo. "Ine naikala mu cifulo icasansama kibili icamushilo, kibili njikalamo na bantu abaicefya, abalapila mu mitima yabo, pakupuputula imyeo ya baicefya, no kubuukulusha ubulamba bwa balapila.

Esaya 65:14 Ababomfi bandi bena bakalaimba inyimbo shansansa, lelo imwe mukalalilafye imisowa kulwa mutima ubukali, mukalaloosha pa mulandu wa kucucutika mu mupashi.

Esaya 66:13,14 Ine nkalamutalalikila imwe mu Yerusalem, nga filya fine nacifyashi atalalika ka mwane, efyo nkalamutalalikilako. 14 Illyo imwe mukalamona ifi fintu, ala imitima yenu ikalasansamuka, mukalakwatisha amaka no mutende. Elyo mukashininkisha ukuti kanshi ine ne Yawe ndafwa abampetamina, nokuti kanshi ine ndafokela abalwani

bandi.

Yeremia 15:16 Ilyo amashiwi yobe yamfikile naliyasekelele. Ala amashiwi yobe yalindetela nganshi insansa ne shuko mu mutima wandi. Pantu banjitala kwishina lyobe, we Yawe Lesa umwine wa fita.

Yeremia 24:7 Ine nkabapeela umutima wakwishiba ukuti nine Yawe. Elyo nabo bakaba abantu abandifye, na ine nkaba Lesa uwabofye, pantu bakabwelela kuli ine no mutima wabo onse.'

Yoani 14:1 Mwilaenda ne mitima iyasakamana. Muletetekela muli Lesa, elyo muletetekela na muli ine.

Yoani 14:27 Umutende namushila, mutende wa mu mutima wandi eo namupeela. Nshilemupeela mutende uo abantu ba pano calo bapeela. Mwilaenda abasakamana kibili mwilaba na mwenso.

Yoani 16:6 Nomba ico namweba ifi, mu mitima yenu mwaisula ubulanda.

Yoani 16:22 Kanshi na imwe pali nomba muli no bulanda. Lelo nkesa mumona nakabili, lyena imitima yenu ikesulafye insansa. Elyo isho nsansa, tapakabe nelyo umo uwakumupokolola.

Imilimo 2:46 Cila bushiku baleya kukulongana pamo kwi Tempele. Mu mayanda yabo mwena balekumana kukulya icakulya. Balelya ne nsansa, kibili aba mutima umo.

Roma 9:2 Ala ndomfwa ubulanda nganshi, kibili umutima wandi ukalipafye lyonse pa mulandu wa bantu bandi aba mu mutundu wandi.

2 Kolinti 2:4 Ilyo namulembele ulya kalata, nalembele ndelila ne filamba nganshi ku mutima ubukali, kibili nali no bulanda nganshi. Kanshi nshalefwaya ukumuletela ubulanda, nalefwayafye ukuti mwishibe ifyo namutemwisha.

Efeso 5:19 Ilyo mulelanshanya mulebomfyamashiwi ya mu malumbo, na ya mu nyimbo shakwa Lesa, elyo na ya mu nyimbo shimbi isha bena Lesa. Muleimba inyimbo shakwa Lesa ne sha malumbo pakutasha Lesa ne mitima yenu yonse.